



Samþykkt fyrir ungmennaráð Svalbarðsstrandarhrepps

Um verkefni ungmennaráðs Svalbarðsstrandarhrepps

1. gr.

Ungmennaráð er stofna á grundvelli æsklulýðslaga nr. 70/2007. Ungmennaráð er ráðgefandi um málefni er tengjast ungu fólki á aldrinum 10 til 18 ára í sveitarfélaginu í umboði sveitarstjórnar.

Í 12. og 13.gr. Barnasáttmála Sameinuðu þjóðanna er skýrt kveðið á um rétt barna til að láta skoðanir sínar í ljós og til að hafa áhrif á málefni er þau varða. Hlutverk ungmennaráðs er m.a. að vera sveitastjórnnum til ráðgjafar um málefni ungs fólks í samfélaginu og efla samvinnu milli ólíkra hagsmunaaðila.

2. gr.

Markmið:

1. Veita ungmennum fræðslu og þjálfun í lýðræðislegum vinnubrögðum
2. Skapa leiðir til að koma sjónarmiðum ungmenna til kjörinna fulltrúa
3. Að börn og ungmenni séu virk í samfélagsmálum og fái tækifæri til að koma skoðunum sínum á framfæri

3. gr.

Hlutverk ungmennaráðs

Ungmennaráð er vettvangur ungmenna til að hafa áhrif á sitt nánasta umhverfi og koma skoðunum og tillögum ungs fólks til viðeigandi aðila í stjórnkerfi sveitarfélagsins.

Dæmi um verkefni

1. Ungmennaráð skal eins og kostur er hafa frumkvæði að umfjöllun mála
2. Ungmennaráð getur komið með ábendingar um öll málefni sveitarfélagsins
3. Ungmennaráð beitir sér fyrir bættir þjónustu við börn og ungt fólk

Ungmennaráð tekur til umfjöllunar þau mál sem sveitarstjórn og nefndir sveitarfélagsins óska eftir hverju sinni og önnur þau mál sem ráðið telur nauðsynlegt að fjalla um í samræmi við hlutverk og markmið ráðsins. Ungmennaráð hefur áheyrnarfulltrúa í nefndum og ráðum Svalbarðsstrandarhrepps, að félagsmálanefnd undanskilinni. Sveitarstjórn fylgist með því, eins og við á, að stofnanir og þjónusta sveitarfélagsins vinni með hagsmuni ungs fólks að leiðarljósi.



4. gr.

Val á fulltrúum í ungmennaráð

Tilnefningar og skipun í ungmennaráð er til tveggja ára. Sjö fulltrúar sitja í ungmennaráði. Ungmennaráð og kosning til ungmennaráðs er kynnt á skólaþingi í Valsárskóla í október ár hvert.

Tveimur vikum eftir skólaþing eru fulltrúar 10-16 ára kosnir til setu í ungmennaráði. Fulltrúar í ungmennaráði eru: tveir fulltrúar 10 –12 ára nemenda og þrír fulltrúar 13-16 ára nemenda kosnir af nemendum 10 ára - 16 ára í Valsárskóla. Til viðbótar starfa í ungmennaráði tveir einstaklingar 16-18 ára. Þeir eru tilnefndir af sveitastjórn sem leitar eftir tilnefningum um setu í ráðinu. Við val á fulltrúum skal gæta þess að hafa sem jafnast kynjahlutfall. Oddatöluár er valdir 1 fulltrúi úr 10 -12 ára aldurshóp, einn fulltrúi úr 13-16 ára aldurshóp og einn fulltrúi úr aldurshópnum 16-18 ára.

Á fyrsta fundi ráðsins, hvert haust kýs ráðið formann og varaformann. Sveitarstjóri eða fulltrúi hans er ráðinu innar handar á fyrsta fundi ungmennaráðs, skipulagi og framkvæmd funda.

5. gr.

Ungmennaráð hefur yfir að ráða sérstakri fjárveitingu, sem samþykkt er af sveitarstjórn við gerð fjárhagsáætlunar ár hvert. Fjárveitingunni má verja til þinghalds, útgáfu, fræðslu eða annars sem henta þykir. Ungmennaráð fær greitt fyrir 3 fundi á ári (tvo að hausti og einn að vori) og teljast hálfdrættingar í launum á við aðrar fastanefndir Svalbarðsstrandarhrepps. Það er að segja, ungmennaráðsfulltrúi fær half nefndarlaun.

6. gr.

Um fundarsköp á fundum ungmennaráðs gilda ákvæði sveitarstjórnarlaga og reglur um almenn fundarsköp og bera allir nefndarmenn jafnmikla ábyrgð og skipta þeir fundarstjórn á milli sín. Sveitarstjóri í samráði við formann boðar til fundar með dagskrá. Í dagskrá skal vísað til gagna um þau fundarefni sem til umfjöllunar eru eftir því sem kostur er. Dagskrá skal send til aðalmanna í síðasta lagi tveimur sólarhringum fyrir fund. Um meðferð mála gilda samþykktir Svalbarðsstrandarhrepps.

7. gr.

Sveitarstjóri er tengiliður ungmennaráðs við stjórnkerfi Svalbarðsstrandarhrepps. Ungmennaráð kemur erindum sínum á framfæri við sveitarstjórn eða stjórnvísu sveitarfélagsins með formlegum hætti, þ.e. með bréfi eða tölvupósti. Fundargerðir eru teknar til kynningar á fundum sveitarstjórnar.

Samþykktir skulu endurskoðaðar að hausti 2021.

Samþykktir ungmennaráðs samþykktar á 56. fundi sveitarstjórnar 19.10.2020.

